

DWNN, OWAIN (c. 1400 - c. 1460),

Enw: Owain Dwnn

Dyddiad geni: c. 1400

Dyddiad marw: c. 1460

Priod: Catherine Dwnn (née Wogan)

Plentyn: Harri Dwnn

Rhiant: Maredudd ap Henry Dwnn

Rhyw: Gwryw

Maes gweithgaredd: Milwrol; Barddoniaeth; Teuluoedd Brenhinol a Bonheddig

Awdur: Garfield Hopkin Hughes

Modlyscwm, Cydweli. Ei daid oedd yr Henry Don a fu'n cynorthwyo [Owain Glyn D r](#) ([Lloyd](#), *Owen Glendower*, 41). Enwir Owain Dwnn yn fynych mewn dogfennau rhwng 1436 a 1446. Chwaer iddo oedd Mabli, gwraig gyntaf [Gruffydd ap Nicholas](#) o Ddinefwr, a charcharwyd Owain a [Gruffydd](#) fel canlynwyr i Humphrey, dug Caerloyw, ustus De Cymru, pan fachludodd haul hwnnw yn 1447. Y mae tystiolaeth (Panton MS. 40 (83)) iddo wasanaethu yn Iwerddon o dan Richard, dug Efrog, tad Edward IV, ac iddo ef, efallai, y canodd [Hywel Dafydd](#) gywydd sy'n llawn cyfeiriadau at y gwasanaeth hwnnw. Gwraig Owain oedd Catherine, merch [John Wogan](#) o Bictwn, Sir Benfro, a mab iddynt oedd yr Harri Dwnn a laddwyd, gyda'i gefnder o'r un enw, ym mrwydr Hedgecote Field, Gorffennaf 1469.

Enwir Owain Dwnn fel bardd yn bennaf ar sail yr 'englynion a fu rhwng [Gruffudd ap Nicholas](#) ag Owain Dwnn a [Gruffudd Benrhaw](#)' (y mae'r testun hynaf ohonynt yn Mostyn MS. 131 (59-78)), ond anodd barnu eu dilysrwydd. Priodolir un englyn proest i Owain Dwnn, hefyd, yn Mostyn MS. 131 (510).

Awdur

Garfield Hopkin Hughes, (1912 - 1969)

Ffynonellau

Trafodion Anrhydeddus Gymdeithas y Cymmrodorion, 1941, 120-31

Dolenni Ychwanegol

Wikidata: [Q19513574](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

